



როდესაც მუეზინი ამბობს: „აღლაჰუ აქბარ, აღლაჰუ აქბარ“

უმარ იბნ ხატაბმა (აღლაჰი იყოს მისით კმაყოფილი) თქვა: აღლაჰის შუამავალმა (აღლაჰის ლოცვა და მშვიდობა მას) თქვა: «როდესაც მუეზინი ამბობს: „აღლაჰუ აქბარ, აღლაჰუ აქბარ“ და თქვენგან რომელიმე უპასუხებს: „აღლაჰუ აქბარ, აღლაჰუ აქბარ“, შემდეგ ამბობს: „ამჰადუ ან ლაა ილაჰა ილლა აღლაჰ“ და ის პასუხობს: „ამჰადუ ან ლაა ილაჰა ილლა აღლაჰ“, შემდეგ ამბობს: „ამჰადუ ანნა მუჰამმადან რასულუ ლლაჰ“ და ის პასუხობს: „ამჰადუ ანნა მუჰამმადან რასულუ ლლაჰ“, შემდეგ ამბობს: „ჰაია 'ალაა სსალაჰ“ და ის პასუხობს: „ლაა ჰავლა ვა ლაა ყუვვათა ილლაა ბილლაჰ“, შემდეგ ამბობს: „ჰაია 'ალალ ფალაჰ“ და ის პასუხობს: „ლაა ჰავლა ვალაა ყუვვათა ილლაა ბილლაჰ“, შემდეგ ამბობს: „აღლაჰუ აქბარ, აღლაჰუ აქბარ“ და ის პასუხობს: „აღლაჰუ აქბარ აღლაჰუ აქბარ“, შემდეგ ამბობს: „ლაა ილაჰა ილლა აღლაჰ“ და ის პასუხობს: „ლაა ილაჰა ილლა ლლაჰ“, გულით, ის სამოთხეში შევა.»

[სანდო (საჰიჰ)] [გადმოსცა მუსლიმმა]

აზანი არის ადამიანებისთვის ლოცვის დროის შესვლის შესახებ ინფორმირება, და აზანის სიტყვები მოიცავს მრწამსის ძირითად პრინციპებს. ამ ჰადისში აღლაჰის მოციქული (აღლაჰის ლოცვა და მშვიდობა მას) განმარტავს, თუ რა არის დაშვებული აზანის მოსმენისას. მსმენელი უნდა იმეორებდეს იმას, რასაც მუეზინი ამბობს. როდესაც მუეზინი ამბობს: „აღლაჰუ აქბარ“, მსმენელმა ასევე უნდა თქვას: „აღლაჰუ აქბარ“. ასე გაგრძელდება, გარდა იმ მომენტისა, როდესაც მუეზინი ამბობს: „ჰაია 'ალასსალაჰ“ ან „ჰაია 'ალალფალაჰ“. ამ დროს მსმენელი პასუხობს: „ლაა ჰავლა ვალაა ყუვვათა ილლაა ბილლაჰ“. აღლაჰის მოციქული (აღლაჰის ლოცვა და მშვიდობა მას) განმარტავს, რომ ვინც აზანის სიტყვებს მუეზინთან ერთად გულწრფელად და გულით იმეორებს, ის სამოთხეში შევა. აზანის სიტყვების მნიშვნელობები: "აღლაჰუ აქბარ": ეს ნიშნავს, რომ ის წმინდა(აღლაჰი) ყველაფერზე უფრო დიადი, უდიდესი, და ძლევამოსილია, რაც კი არსებობს. "ამჰადუ ან ლაა ილაჰა ილლა აღლაჰ": ეს ნიშნავს, რომ არ არსებობს ჭეშმარიტი თაყვანისცემის ღირსი, გარდა აღლაჰისა. "ამჰადუ ანნა მუჰამმადან რასულუ ლლაჰ": ეს ნიშნავს, რომ ვალიარებ და ვადასტურებ ჩემი ენითა და გულით, რომ მუჰამმადი აღლაჰის შუამავალია, ის დიდებულმა და ძლევამოსილმა აღლაჰმა წარმოგზავნა და მისი მორჩილება სავალდებულოა. "ჰაია 'ალაა სსალაჰ": ეს ნიშნავს, მოდით ლოცვაზე. მისი მოსმენისას პასუხია: "ლაა ჰავლა ვალაა ყუვვათა ილლაჰ ბილლაჰ": ეს ნიშნავს, რომ არ არსებობს ხსნა მორჩილების დაბრკოლებებისგან და არც ძალა მორჩილების შესრულებისთვის, ისევე როგორც არაფერი სხვა, გარდა აღლაჰის მხარდაჭერისა და ხელმძღვანელობისა. "ჰაია 'ალაა ლფალაჰ": ეს ნიშნავს, მოდით გამარჯვებისკენ(წარმატებისკენ,ბედნიერებისკენ), რაც გულისხმობს სამოთხის მოპოვებასა და ჯოჯობეთისგან ხსნას.

النجاة الخيرية
ALNAJAT CHARITY

